



Bosna i Hercegovina  
Federacija Bosne i Hercegovine  
**Kantonalno tužilaštvo  
Zeničko-dobojskog kantona**

Broj: **06/04-11-8-2-6-R8/25**

Zenica, 14.03.2025. godine

Na osnovu člana 70. Zakona o javnim nabavkama („Sl. glasnik BiH“, broj 39/14, 59/22), a u skladu sa Izvještajem o radu Komisije broj: 06/04-11-8-R8/25 i Preporukom Komisije za provođenje postupka javne nabavke od 14.03.2025. godine, za dostavu ponuda za nabavku goriva za službena vozila Kantonalnog tužilaštva ZDK, Glavni tužitelj Kantonalnog tužilaštva/tužiteljstva Zeničko-dobojskog kantona, donosi:

### **ODLUKU o izboru najpovoljnijeg ponuđača**

#### **Član 1.**

Za najpovoljnijeg ponuđača po provedenom postupku javne nabavke za nabavku goriva za službena vozila Kantonalnog tužilaštva ZDK izabran je ponuđač: **„HIFA-PETROL“ d.o.o. Sarajevo, Hotonj bb, 71320 Vogošća, sa iznosom ponude od 19.980,00 KM bez PDV-a, broj ponude: JN-643/25**

#### **Član 2.**

Prijedlog Okvirnog sporazuma o nabavci roba dostavit će se na potpis izabranom ponuđaču iz člana 1. Odluke.

#### **Član 3.**

Za izvršenje ove odluke zadužuje se Odsjek za finansijsko materijalne poslove.

#### **Član 4.**

Ova odluka stupa na snagu danom donošenja.

#### **Član 5.**

Ova odluka objavit će se na web-stranici [www.kt-zenica.pravosudje.ba](http://www.kt-zenica.pravosudje.ba), istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i člana 71. stav 2. Zakona o javnim nabavkama BiH.

### **O b r a z l o ž e n j e**

Na osnovu Plana javnih nabavki broj: 06/04-11-8-2/25 od 22.01.2025. godine, donesena je Odluka o pokretanju postupka nabavke goriva za službena vozila Kantonalnog tužilaštva ZDK broj: 06/04-11-8-2-R8/25 od 14.02.2025. godine. Postupak javne nabavke pokrenut je putem Portala javnih nabavki.

Procijenjena vrijednost javne nabavke, bez PDV-a, iznosila je **20.000,00 KM**.

Obavještenje o nabavci objavljeno je na portalu Javnih nabavki dana 17.02.2025. u 11:58h pod brojem: **5486-7-1-9-3-3/25**.

Komisija za provođenje postupka javne nabavke, imenovana Rješenjem broj 06/04-11-8-2/25 od 24.01.2025. godine, sačinila je Zapisnik o ocjeni ponuda sa Izvještajem o radu Komisije i Preporukom komisije o izboru najpovoljnijeg ponuđača u postupku javne nabavke goriva za službena vozila Kantonalnog tužilaštva ZDK.

U postupku donošenja Odluke o izboru najpovoljnijeg ponuđača utvrđeno je da je Komisija za provođenje postupka javne nabavke blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda; 3 (tri),
- da je blagovremeno zaprimljeno 3 (tri) ponude,
- da nije bilo neblagovremenih ponuda,
- da je 1 (jedna) ponuda utvrđena kao **nepravilna**, koju je u skladu sa Zakonom o javnim nabavkama BiH potrebno **odbaciti**,
- da je zakazana i održana e-aukcija na datum 13.03.2025. u 14:30 sati, završena u 14:40 sati.
- da je najpovoljnija ponuda ponuđača „**HIFA-PETROL**“ **d.o.o.** Sarajevo, sa ukupnom cijenom bez PDV-a **19.980,00 KM**.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U zapisniku o pregledu i ocjeni ponuda broj: 06/04-11-8-R8/25 od 13.03.2025. godine navedeno je da je uvidom u ponudu ponuđača „DHD“ d.o.o. Zenica, vidno da **na koverti u kojoj je dostavljena ponuda nema ni pečata, ni potpisa, a kako je to traženo tačkom 4.2.2. Tenderske dokumentacije, gdje je naznačeno da „Koverta ili paket sa ponudom sa pečatom ili potpisom**, koja treba biti zatvorena u jednoj neprovidnoj koverti, dostavlja se na adresu ugovornog organa iz tačke 1.1.1. TD“.

Članom 2. stav 1. tačka l) Zakona o izmjenama i dopunama Zakona o javnim nabavkama („Službeni glasnik BiH“, broj 59/22) propisano je da je nepravilna ponuda ona koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Obzirom na gore navedeno, ponuda ponuđača „**DHD**“ **d.o.o. Zenica, odbačena je kao nepravilna, obzirom da ista nije u skladu sa Tenderskom dokumentacijom.**

U postupku ocjene provedenog postupka, nisu nađeni razlozi za nepravilnosti i propuste u radu Komisije, koji bi bili osnova za neprihvatanje Preporuke Komisije za provođenje postupka javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da izabrani ponuđač HIFA-PETROL d.o.o. Sarajevo sa ukupnom cijenom bez PDV-a **19.980,00 KM**,

primjenjujući kriterij najniže cijene tehnički zadovoljavajuće ponude, ima najpovoljniju ponudu.

Shodno navedenom odlučeno je kao u dispozitivu ove odluke.

**Pouka o pravnom lijeku:** Protiv ove odluke može se izjaviti žalba Kantonalnom tužilaštvu/tužiteljstvu Zeničko-dobojskog kantona, najkasnije u roku od 5 (pet) dana od dana prijema odluke.



Dostavljeno:

1x Učesnici u postupku javne nabavke

1x a/a

Akt pripremio:

Akt pregledao:

*[Handwritten signatures]*